

朱太復乙集

朱太復乙集卷之七

五湖朱長春太復著

詩

七言古詩

甲辰計八首

送蜀羽師黃真陽辭歸華山歌

半臂青衫戴白綸羽人來自峨眉山曾持長戟萬  
夫將苦戰獨扼松門關面膏創癩幸鋒鏑壯士馬  
蹄賭七尺一朝回頭厭白兵萬金學煉還丹術十

年華頂尸遽廬復上天齊扣石閣道逢仙人試六  
著手授玉笥黃庭書名山應半藥未采行尋十洲  
蹈滄海偶來望氣包山頭訪我南湖釣磯在白鶴  
宵鳴玄圃虛蒼龍晨見玉房居五年休糧今止爨  
遲公燕食將何須昨日崑崙西母遺雪漿斗大神  
交梨閻河桂實青碧玉餘干土酒紅琉璃請公一  
啜寒不衣再啜太倉不渴饑天門一上九萬里相  
將攜手陵雲飛黃公拍肩喜我說朝桂青瓢夕辭  
直歸華山掩舊關坐閱天憲候明月華山山高

雲梯連白帝行游玉女泉丹成報我一青鳥跨竹  
來看十丈蓮

橫玉山中宴臧氏兄弟家感故放歌十二

五年前與諸昆同席子與用甫先後起  
家歌伯正父兩君淪落不第而諸君皆  
有詞名藉  
可慰也

山家門臨曲磔頭磔邊古楸歲鳴鳩山懸片石照  
籬落宛見當年携手遊青袍白幘英妙時繡虎雕  
龍意若馳忽然升沈過半百飛揚翫躡皆如斯梧  
桐初栽花未黃是昔狂歌飲酒場今來百尺蔭谿

月重醉風流公子堂平生各保氣不羣世上萬事  
皆浮雲逍遙北冥且自適蕪穢南山誰可聞一自  
涉江卧丘壑十年禽制丹爐藥幸餘辟穀好容顏  
瀟灑雄談頗如昨公等休歌長夜旦徒使斑斑鬢  
毛換試問折腰作吏人于今高蓋不如貧楚前上  
食觴綢繆昔方舞象髻垂頭英英玉樹文滿腹五  
常七業君何憂我家阿郎生氣小十二青箱讀頗  
了也期射雀乘雙鸞兒歌承為用甫督便欲攜瓢向三島  
包山湖子洞庭汜月峽之茶金沙水宅傍肥田歲

百斛請君盡付麴蘖事二三故人一片船來往菰  
蓴日千里

除夜谿上進酒五轉歌

庭有燎薪列炬飛煙紅仰指玉衡杓轉騰蒼龍門  
施桃符夾玉童中布柏葉青皇侯金彛初酒介三  
壽玉樹春條啓八風太上遺我方延年

天子賜我閒遊仙青山挂樹十年長紫關椒花萬  
里懸鶴長歌手一觴始舉命玉弦游魚仰陟窺青

天一轉

盤中松如雪粒棗火殷誰將遺之期與佺復有桃  
如瑪瑙大五斗歲星偷長三千年絕勝五鯖侯家  
萬錢相不羨大官肉阜觴流泉五年斷穀十無衣  
滿地芝苓可樂饑華陽白鵠軒鼓招我去私願未  
忍三山飛嬉長歌乎一觴斑舞齊大兒擊鼓小兒

吹  
二轉

長婦吹臺冷鳳皇小婦舞列辭鴛鴦不能桃源胡  
麻留阮郎藍橋玉臼邀裴航丈夫生為天地四方  
客何用伊吾兒女牽帷房酣來憑几寐復寤玉繩

夜半還鸞路誰當挽河之水飛上天身騎箕尾王  
良御忼長歌乎三進觴子觴甘露九霄鳴鶴延相

和三轉

一昨紫微郎位奉玉宸三元萬國會朝正九重  
葡萄酌玉斗千門銀蠟照明星仗劔羽林開鹵簿  
宮縣天樂序簪纓自泛江湖棄置一忘機敢忘折  
檻餘生天地遺六尺當持報

明主萬年遙祝迎春暉慨長歌乎醕觴起舞行振  
衣大明欲旦號天雞

四轉



在昔東方大隱避世金馬中復聞萬戶侯棄游赤  
松亦有天台道士掉頭笑捷足白衣山人晚起為  
三公處者以韞佩為慢世通者以巖壑為醜窮當  
其尸居濩伏泥忽而雲奮鴻為儀江有蕞子商有  
芝人心往尚何不齊亢長歌乎著冠啓戶望朝曦

玉輪海湧金鳥飛

五轉

乙巳 計三首

題尹中丞園七歌

園名泖榭存後三章吳楚遠未得訪補

大江秋落月星稀寂寂南枝烏鵲飛芳洲賦客揮

毫處草滿萋萋鸚鵡啼江山往蹟今何在園館春  
風故相待濛梁魚出覓相知柳陌陌鶯歌意無賴可  
憐霜白閉柴扉一片東籬菊誰采門前看舟客來  
頻溪上尋花幾問津大別春悽籬沒草高唐雲憶  
夢田人

共五

行辭南紀北牕眠坐鎮西臺東海邊數羣鷗鳥漁  
磯冷十萬熊羆虎落堅輕裘走馬六橋柳對之忽  
憶三湘川眇眇難陵天上鳧蕭蕭獨聽府中烏白  
雪裁成苑園賦丹青畫出朝川圖花葉依稀舊一

丘夜來酒醒接羅遊卧聞白馬錢唐雪已到滄波

漢水頭

其六

君不見鷓夷定伯五湖頭拂衣東海始乘舟又不  
見東山白雲攜妓遊與人同樂亦同憂豪客長風  
乘萬里何能翫驥門前守一丘大府雲揮北斗高  
三軍雪甲照秋濤令申左鉞風雲旅談笑中權虎  
豹韜息馬營中閑蹴鞠椎牛帳下醉醇醪好清海  
甸驕盤馬莫向關山賦大刀昔聞雅歌投壺部曲  
閒又聞賦詩橫槊舳艫連英雄壯略四方事豁遠

蓬萊十畝屢鼎食無心問丹鼎煙霞有待畫凌煙  
倘來適去一茫然身退功成更幾年却掃故棲三  
竹徑新添別業五瓜田犬護藥爐仍候主龍騎蒼  
杖好遊仙一醜北關浮生夢大覺南華齊物篇七  
丙午 計二首

奈我何行

關中作

神山靈洞何逍遙五嶽主者書來招豈無雲車控  
白鹿一拂羽衣仙遊遨喬松為楹白石屋高礪冷  
冷濯吾足盤坐悠然一曲琴歸來竈煮三芝熟山

中之人芳草萎爾胡不行行栖栖萬事人間盡息  
機一雙黃口苦牽衣眼前點血天地脉邪翼未長  
難孤飛匡牀藥爐壁四立勅斷家人成旅客林宗  
掃除禦冠鬢晨起傳經夜披帙但覺戶樞運不休  
不知橐籥虛何出經月無人覈求市中庭對鶴愁  
分食自有九還火種紅人言半頂雲重黑南湖瀾  
瀾玄栖側自我不見暑三易蟾蜍垂柳夾池蓮高  
蔭微風畫長息當年玄對好山川今日蓬瀛在虛  
室乍歌乍舞一下咲自咲生生厚何益十年辟穀

飽餐霞五歲單衣短垂滕憂亦不知來何方樂亦  
不知所以適吐嗟養生生柰何生不求多柰我何

義鶴行

朱君朱有病鶴棄野為予收遲君  
來過舍鶴起悲鳴有故主之恩感

為歌

衣何離縫泥汗雪玉羽披如落秋葉丹光上慘白  
日淡獨有長鳴應歌節何年九臯辭故羣竭來六  
翩逝孤雲可從華表仙遊幻似向籬前玩養馴晨  
霜塗塗宿萎白南湖疑疑冰如戟一落沙中不奮  
飛空田剝啄難求食誰家棄置不再收故寵難邀

死即休夜中孤唳不堪聽隔水脩脩使我愁朝來  
牧子出蒹葭似也傷心領到家中庭稻梁嗟不噉  
四顧彷徨欲有嗟翻然竹中和在陰羣立如訴交  
如嗟無知氣類尚如此不覺懷望傷人心自從惠  
養入新園病骨猶癯毛滓鮮終朝頻吭不出步若  
處相思長向天溪花欲落客問津恰到橫塘舊主  
人入門鵲起鼓垂翅欲舞低徊俄沒蹲堂上坐客  
庭坐鶴有語不能中淚落薄命一朝摧折輕餘生  
數載恩如昨長憶池邊出戲魚寄聲府裏獨啼鳥

好隨往日冲霄侶  
同伴霜臺夜飲娛  
下渚蓮花帶白蘋  
故樓阿閣竄關情  
倘徼老馬存餘響  
為發中天清角聲

丁未計三首

素交行贈七十翁處士朱二繩愆公子對  
飲談舊作

閩河之桂金粟苞玉門之棗朱蟠桃  
天公承下甘露歛五嶽親授丹圭刀  
問我將之用何許行祝包山壽者  
豪仙人不受萬乘屈偏悅槃阿棲老物仙

朱太復乙集

詩卷之七

八

三百〇三社



方不度富貴行山野時開玉箱粒狎與病癯七十  
翁暮呼鷗鳥朝鳧舄數頃湖田盡種稌歲釀百斛  
他無須縱心呼客日中聖酣來自號愚公愚視聽  
清明飯大噍傲予早服空瞿瞿故時公子戟高門  
世業烏衣西郭存蓬累弱冠我初嫁燕言比屋連  
三昆酒人侯客滿堂叫短步遂遂獨飲醇三十餘  
年雨散空浮沉轉眼一飛蓬請看狂俠幾人在老  
健揮觴我對翁兀如木難與天真侗若嬰兒合道  
風九還靈寶無異物散木不材天所豐有兒有孫

荷粟布善飲便是逍遙公春華秋實月盈虛世路  
營營釜底魚千鍾萬石等半菽一飽滿腹皆吾餘  
道人辟穀歲九除八風唾吸紅顏舒牽衣兩兒絆  
雙足不然行啓仙人間仙人洞天林屋應縹緲上  
枕曾城居具區下浮以瀟沅洞庭地肺中迴紆角  
里芝光照古墟毛公壇畔草踈踈携家好避桃花  
去共覓玄夷玉檢書

公子行送吳九翁晉北遊

赴蕭大司馬召  
便訪東阿于宗

伯時宗伯  
起家未赴

高官鼎貴代紛紛作者千秋凡幾人  
枚叔未徵長卿倦泥塗大咲長裾貧  
生事囊中一束書解願十上恥稱儒  
出門抱劍馬蹄下千里不齊橫所如  
往年走燕昨走越到處公卿候門謁  
布衣不拜坐盡驚天口如流倒應絕  
當筵授簡酒初行刻燭揮毫賦已成  
大曆風華正始韻千金價重三都傾  
山中有蘭澤有芷美人何代無芳齒  
一曲陽春天下聞人人頗識吳公子  
公子家居茗水源蟠空天目龍宛宛  
名山靈地有豐芑五葉通貴三朱軒  
翬飛二

雋兩大父阿翁少起器公輔提衡豹管魯諸生  
趨走龍門庾開府當時高唱瑯琊王復有博譽汪侍  
郎通家桃李洽臭味翩翩一見分輝光妙年早附  
青雲士頓使詩名滿人耳揭來我輩變初音翻恨  
前賢不見死百年浮沉交態假四海蒼茫同調者  
青眼猶餘絳帳人于公宗伯蕭司馬故游縣榻久  
塵埃昨日雙魚書札來釀催百斛桂酒熟遲對三  
春花藥開揮塵東陪稷下館振衣北上黃金臺黃  
金臺畔草磷磷紫極千門帝里春汨汨東華御

溝水年年流送陌車塵古來一片滄溟日留照  
昭  
王宮裏人

瀟湘美人歌答荊州孝廉傅仲執公子

瀟湘美人如白玉疇昔相逢聖湖曲漸裳把臂擷  
芙蓉說劍巖書秉華燭四海新知一片心山傾石  
轉風雲屬月中分于帝丘船楚尾吳頭忽八年清  
風五渚相思處眼斷江陵一柱烟昨夜雙龍夢中  
合朝來喜得錦書傳書中慨慷略言故別寄新題  
鸞鵠賦虎繡龍游宛洛神劃如公子清拔霧里耳

漁父歌中有濁流二節  
猶幸布請看滿地涉江秋  
故棗一朝

天子問雲夢奏章尚書  
料五侯富貴自有何足論  
美好寧長游倦人神仙中  
來傲吏骨鴟夷還擬超  
風塵也知一卧烟霞老  
長咲三閭枯槁身十年休  
糧休不休君問紅顏未白  
頭朱陵黃鶴欲飛去兒  
輩牽人不自由寄君一掃  
岫嶼石待我明朝五嶽

遊

朱太復乙集卷之八

五湖朱長春太復著

詩

五言律詩

丙申 計七十三首

正月三日與客王時鍾遊石湖二首

廣水帶殘雪新標泛小舟夕烟平楚晦春色晚梅  
娟白鳥來湖外青山曠酒前上方看不厭落日未  
廻船

諸香浮細棹嵐翠入疎簾山塔紅將斂舟燈白漸  
添濤來喧震澤月出靜靈囀試問吳宮舊因之日  
暮涼

寒江大雪陸公子泛飲

置酒對江雪金尊照玉波燈前吹絮暗笛裏落梅  
多公子翻杯舞伶人擁瑟歌流澌擊蘭漿夜半石  
塘過

自丹陽入句容道中

晨發訪靈窟霜風吹野蒿雞豚開早旭籬落散平



泉江氣遠逾白山雲通漸高遊仙欣獨往寄興八  
公操

元符宮贈張道士

白日閒房靜松聲滿上官雪飛龍鼎熟雲落鳳簫  
空野飯山精煮仙杯石髓紅華陽有真訣吾欲隱  
相從

華陽洞

丹洞迷瑤草金壇護紫茸沙沉多鼠跡石古少人  
踪聞有陰暉秘兼歲玉檢封誰當窮地肺西上出

峨眉

渡江

江風引桂席，瀨雪逐揚舡。  
雨結山烟晦，潮飛海色  
青。鄉關行遂隔，出處渡頻經。  
頭白問津者，長干不  
忍聽。

宿瓜州

春雨瓜州泊，夜潮揚子聲。  
落帆傳鼓暗，歌枕對江  
清。藥餌應長隱，風波柰遠征。  
昨來逢北使，低首問  
神京。

同吏部郎錢國維飲維揚郭太守

維舟官署宴坐對廣陵濤白鶴傳名郡青雲接選  
曹照杯江月上笛曲海雲高別有屠蘇酒酣歌易

水豪

太守易水人取  
自攜名酒餉客

行邪溝

二月湖水壯家家門繫船江濤通并邑海市接雲  
烟藻符仍供飯魚鯁不計錢經過唯沽杯何處種  
春田

白馬湖

濤似黃牛峽，天空白馬湖。魚龍翻震盪，雲日黯虛  
無。地接山陵重，漕通楚越輸。孤舟危百丈，未敢歎  
窮途。

泊清口赴陶徵君舟夜飲

海色晴天雨，河濤日夜風。數家連蜃郭，滿地有漁  
翁。野月傳更淺，春燈繫纜同。鄰船故鄉客，相勸酒  
杯紅。

上黃河

錦帆張復落，緩纜上黃河水。勢乘春濶濤聲帶雨。

多郵程終日滯水郭數家過却問負薪者傷哉瓠  
子歌

愁

正病停舟楫多愁對水波高風暈白日細雨湧黃  
河南國徵兵散東封使者訛蕭條淮海戍不見說  
防倭

經泗上

泗亭雨後望柳葉發春光野日迎花煖川烟浥草  
香群賢聞斥逐薄仕悔行歲桂檝蘭生酒南湖是

故鄉

遊子美南池

上即太白樓

垂楊夾溝水，云是古南池。  
物色憐春日，吟詩見往時。  
花翻閒榭爽，舟繫晚杯遲。  
太白酒樓在，風流共所思。

途倦

已聞過雁盡，復見落花新。  
河泗久羈客，舟帆欲落春。  
苦吟非用世，善宦不如人。  
強病趨朝意，將無笑負貧。

清明憶弟

舟楫過清明花濃陌上情  
晴絲輕罨蝶初柳半歲  
鶯故國思棠棣芳洲采柱  
蘅自憐羈世路落落不  
如卿

故城道中途臺省內放諸公南下

容易者春暮艱難行路賒  
薄才羞狗祿近國轉  
思家水驛連芳草川城傍  
落花絲紛途去棹盡說  
赴長沙

潞河病中送吳允兆先還

去國逢身病，維舟寄室新。何當逐臣淚，復送故鄉人。  
草澤休憂世，江湖共逸民。憑君買青笠，歸伴採秋蓴。

得報寄樂之初

與之初同放三日同馬引  
辨乞斬言者肯已薄處

當關雄踞虎，射影欲吞人。得放江湖老，當知天地仁。  
虞翻未竄死，賈誼莫憂身。不見朝來素，猶求殺諫臣。

對月



維舟對明月兩見出秦關山照幾遠砧杵怕催  
寒思歸齊統奏騷人流水彈無端過烏鵲拂淚望  
長安

東報

漢節正安在邊書報又新鏡珠歸海國象服候王  
人九譯今何日三韓古不臣賈生猶痛哭終是恥  
和親

一嘆

一嘆狂如此赴官已罷官由來望龍袞本不為

貂冠古聖無黔突今時忍素餐寄言堂上燕知未  
託平安

途窮感興示婦

被髮行吟去天涯一病夫罷官僮僕散僑室主人  
驅物態窮皆見形容老未枯鄉無笑執爨慢世有  
當壚

初秋遊馬函一御史園池十二首

來遊異方地喜得故人家湘郢舟猶繫濠梁  
縣城隅包野水籬落間秋花坐即池巾帶何勞

客車

相依三宿意同病九章悲秋水清談處竹林涼飲  
時迎人青狗狝立馬悲采惡不借烟霞賞誰堪搖  
落思

南郭據梧處東籬時菊青魚磯依近檻花架引虛  
亭薜荔裁初服挑笙卧獨醒滄浪歌隔水若為逐  
臣聽

門外有方塘鴛鴦戲石梁青莎過屐潤紅藕入杯  
香洗馬葦蘆雜繫船楊柳長試為游女曲醉入若

耶傍

解帶逃林暑移筵就  
沼陰金杯蕩浮蟻冰  
梳浴來禽古石涼  
支枕流波細入琴  
飲中無俗物清嘯  
答知音

芸閣經書帶蘭亭引  
墨池暮蟬留密葉  
風蝶過高枝蘭牘  
能娛老丘園足傲  
時床頭鐵冠舊寒  
色入秋悲

竹外分三徑樓頭尺  
五天浮雲建章樹  
落日太行烟北里  
酣長夜東陵卧  
幾年長安有古意  
憑望對

清然

茂林無永日廣水有清風  
桂樹招何處桃花避此  
中  
高樓通舞燕書架走雕蟲  
借問閒居者玄經草  
未終

兩兩臨川酌清池證道心  
朱桐飛白雪丹鼎躍黃  
金  
世外多靈窟生涯厭陸沈  
遊仙有雙杖五嶽伴  
相尋

不謂城中構居然物外投  
門籬絕人境來往只羊  
求  
群  
睨  
引  
憲  
遠  
浮  
圖  
照  
水  
幽  
誰  
家  
五  
陵  
少  
躍  
馬  
醉

朱太安乙集題詩卷之八

八

壚頭

停車為水嬉  
雙漿盪參差  
渚曲藏亭遠  
萍深逗浦遲  
攀荷吳客唱  
搴杜楚臣思  
落日石梁上  
看魚問所知

當遊戀尊酒  
明發遡河山  
看竹平生在  
懷沙幾日還  
思來對風月  
別有憶驛攀  
千里古人駕  
相思或叩關

幽一家浴河先  
經言事放還  
尋予被逐患氣維  
舟同好同罪實  
傍為主新秋卧  
起走訪得遊名

園林木翳然池館交翠高士川上對坐談玄此地  
蓋近國佳致新遊亦異方良集也興至泠然  
為賦如右吾垂老矣病中悟道萬事都謝所存  
獨山林一興耳長吟損神久久自禁一日忽不  
知所至不知為地耶為人耶時丙申七月也

重過函一池園六首

雅文蕪勝地已別復回車放逐君容傲娛遊客興  
徐杯重依五柳吟未怨三閩各有真人想相逢論  
道書

鹿鳴猶喜客魚戲不驚人徑草尋行跡簷花拂坐  
塵素琴依水舊朱棊獻隣新醉態兒僅熟秋風咲  
荷巾

畫檻流湘浪文梁結楚材花階鼠婦走水宴酪奴  
來鳥跡留詩壁龍吟入吹莖還許金谷集未有竹  
溪才

垂藤隔市井種藥是仙家避世騷人隱近郊風物  
華園過上林鳥水帶御溝花明日江湖望東陵北  
關斜



江竹翠堪染海榴紅欲然  
鮮花開葉底燕麥稭風  
前河朔此佳地江東柰旋  
船醉眠蘆畔石留賞是

清川

落日停觴羽臨池理釣絲  
老唯林石興客共藥爐  
期宇宙寄身在烟霞隨地  
宜不關妻子累留此託  
樓遲

白河逢胡元瑞

世上輕吾輩天涯喜故人  
飄零成老物骯髒歷風  
塵長鈇羈遊子扁舟送  
逐臣行藏二十載相對一

未太復心集卷之八

十

二百卅三陳

綸巾

第七叔以賈留都飲別舟中即贈

白眼窮途別青樽  
搖落時方為桂樹  
隱正好竹林  
期耕稼可容老錢刀  
何用為歸來  
戲調馬吾叔不  
曾癢

懷望有述

涼風召伯樹  
落日昭王臺  
古跡久寂寞  
賢人安在哉  
治官三輔出  
銀甕幾山開  
眼斷南遷泪  
陵園秋草哀

幽并道中

南發逢搖落幽并草欲衰  
何衣明月婦獵馬少年  
兒望關浮雲遠歸舟卧  
六旬遲平原白梁熟農事  
正堪思

過西河故人吳大雲程為武清學博士走  
馬三十里追送爰燕田別

逐船秋水上繫馬綠楊邊  
為惜還山客來攜沽酒  
錢青纒曾莫歎白恰老  
然避世宜官小三鱣自

古賢

八月十五宿滄洲辭何使君汝登宴

使君入燕

飲勞河上  
纒五月

月動滄瀛晚潮浮城戍秋可憐  
餞客地淺繫逐臣舟老厭歌烏鵲  
歸愁望斗牛  
思家釀好無興為登樓

夜泛

天風貪夜涉村岾急秋機落月  
笛帆淺寒蛩入枕微途窮依有  
婦歲落免無衣棄物同萍梗何  
愁汗漫非

對婦吟

陌上露如雨難為行客心  
蒹葭滿地槁蟋蟀入船  
吟罷酒看長劍挑燈綴短衾  
五噫歌自好唯爾是知音

宿安德驛

兩繫南江棹乘楊津館邊  
當時病客枕今日逐臣  
船行路難為老還山好學仙  
重尋養生主安穩日高眠

漸南

朱太復乙集詩卷之八

十二

雙關雲長北孤帆日  
潭賈誼休長歎稽公正不堪  
山巾縈白葛頗覺勝  
朝簪

清源日食

忽忽鷄登樹無雲盡  
冥然萬家秋社鼓千炬  
野壇烟憂國周人咏窮途  
楚客船葛巾扶病起揮  
泪禮皇天

夜夢舍弟明久一不得信

故里唯吾弟窮途有老兄  
別離長疾病流竄轉平

生黃耳遞家信白眉入夢情月原空布被起坐問  
歸程

閏八月十五日泊南旺湖對月有興寄河  
上使君

霜前閏八月湖畔又中秋雲落渚洲空川含江漢  
流舟孤淹北道客再望南樓寄問度公興來能共  
詠遊

津吏

黃鶴乘雲未青牛出塞非何辭津吏問已忘海翁

朱太復乙集詩卷之八

十三

三百九

機鹵莽自人事流離甘老歸入舟長謝客不是恥  
無衣

歸興

為客風霜倦羈官行路難洪濤入枕畔終日對河  
干玉粒新宜煮黃花蒼好餐思歸無限興東去託  
秋湍

泊子房山懷古感懷

楚漢龍爭地秦梁鼉浪聲雲飛帝子里水落霸王  
城萬戶侯何在三閭棄此生赤松期辟穀黃石不



論兵

河上觀漁者得魴買烹食之美有作

秋水溶溶落漁舟  
娜娜移蘆花  
收釣淺柳葉串魚  
垂買到浮顛  
尾烹來湛玉絲  
河魴歌自古此物樂  
棲遲

淮口懷吳六允兆

風高征鳥疾  
水落行人遲  
江外思歸客  
淮南招隱  
詩  
黃花芳故國  
白眼樂新知  
相待彫胡飯  
秋來幾  
度炊

過廣陵再憶吳允兆

憶汝到吳久吾行始過淮涼風催土思朗月遠人  
懷舊日入林社秋期醉竹齋何時張白眼倒卧杜  
茅柴

吳酒名

楊子候風

江黑海門沸長干舟不開青山浮岬出白馬逐潮  
來破冢行人懼乘槎使者哀回風悲有奏欲上望  
鄉臺

入京口行舟二首

殘年反東海秋雨下南徐石壁舍城濕江沙倚艇  
虛初霜熟秔稻九月有鱸魚晚飯呼妻子悠然到  
小廬

極北風塵遠江東山水清漁罾多倚屋市舶半依  
城望望歡吾土依依戀物情遷人免流落天地賜  
餘生

行箴 丹徒道中

寤寐古人遠行箴吾自知長歌反故里無意避當  
時江草遠誰寄山雲近轉思吳歛滿地好翻覺怪

朱太復乙集

詩卷之八

十五

二百二十五周

歸遲

過曲阿

四海多騷客，三江亦楚歌。  
吾徒狂自棄，天地奈時何。  
世外思方丈，雲中望曲阿。  
華陽怡悅處，好憶結松蘿。

踏雪溪口清望

啓門除雪後，着屐到溪頭。  
不辨蒼山色，微分芳樹幽。  
犬聲傳近舍，漁爨起孤舟。  
短褐紛紛白，歸來失所投。

庭雪五尺童子戲築為山悠然有巖壑之  
趣自遠也被緇齋坐澹合道心亦戲小吟  
云鼎其勞

洞封雲冥漠峰削玉積層瀑澗澄疑瀉冰橋宛可  
陵林廬致忽遠水月色相疑如結雪山舍燃燈照  
古僧

薦鄉酒船泛碧湖

獨寤慙真隱君來赴小招故憐貧乏具為載酒相  
邀湖靄雨初斂巒陰雪未消嘉賓歌綠水細酌洗

寒瓢

雪二首

極目皓無際，山凝落暉湖。  
沙澹欲滅雲，石靄相依。  
若斷漁家爨，偏欺隱士扉。  
枯蒿從擁沒，屏跡往來稀。

風岬吹時斷，冰渦積更多。  
湖寬容瀾瀾，峰小隱嵒嵒。  
終日少人跡，荒除屢鳥過。  
相思刻曲棹，獨寄郢中歌。

謝吳淦雨明府

竄逐為林野幽條空市名非儒子隱禮辱今公  
車鳥雀迎旌蓋鄰家代婦除那知卜居者別有間  
三間

宋太復乙集卷之八終

朱太復乙集卷

五言律  
朱長春太復著

詩

五言律

丁酉 詩十八首

元日芝園道興

朝試仙家酌長生  
柏葉新筠松開舍  
日冰雪凜谿  
春懶合辭朝  
烏癯偏稱道  
巾安期不事主  
吾亦傲  
遺民



閱歲

獨此隱人家  
端居閱歲華  
寒溪雪後漲  
春草雨中芽  
浴鳥聲相悅  
犁農歌自賒  
朝來動遊艇  
清吹峴山涯

三日雪

三朝三尺雪  
五柳五湖春  
曠野羣啼鳥  
深村不見人  
山川清有致  
棲託澹相親  
隱者歡占歲  
閑尊召好鄰

春日客至

撥雪挑春菜，冰絲媚素盤。  
閣虛山引白，溪晦日生寒。  
酒客金杯數，漁家玉鱸殘。  
南湖饒秀色，併借野人餐。

道心

散髮嬉川上，道心漸自然。  
閒從攤帙坐，倦即抱琴眠。  
丘壑已忘歲，行藏不問天。  
單衣傲深雪，高詠獨乘船。

侍御朱君來謫，厓州假還訪予隱，豁有贈  
濯足逢湖曲，同為棄逐人。  
君歸梅嶺雪，我老茗谿

朱子待乙集  
詩卷之九  
春豐草已忘世長沙幸有身江南及無事携手樂  
垂綸

感事

步屨柴門夕春流對眇茫水田宿鷺白寒食野梅  
香藜藿憂何及朝廷問不忘遙傳採金使早晚  
入吾鄉

前谿泛春

挂席蕩春水谿行款款賒居人多近柳語鳥半依  
花散誕宜身棄娛遊及物華舟中有尊酒隨意宿

浮家

自南湖移大別舊業經始農事

春雨陌頭綠農鳩鳴柘枝移家過北渚菁舍  
當與世棄無事謀生貧豈辭荷鋤訪隣里沮  
吾師

溪上觀稼

白笠紛紛出溪村盡種田苗肥登麥後雨足送梅  
前桑外傳神鼓蘆中集饒船方知野人樂相與說  
豐年

對雨

閣閣對山雨，深谿薄暮寒。  
田家桑葉熟，漁舍荇花殘。  
兵戍時多難，丘園老已安。  
偷生唯服食，世外有黃冠。

溪漲

五月南溪水，移時沒小園。  
菰根翻鶴尾，魚尾動柴門。  
放艇遠村浩，護田隣舍喧。  
浮沉老欲厭，呼酌且嘗軒。

薦卿叩關出，胡麻飯對食偶成。

草深黃犬卧無客到玄關  
秋分烟霞侶誰探日月  
閑丹爐終物外定室且人  
間晨爨胡麻熟分飡說  
小選

早秋入西湖

到來秋雨後晴壑滿湖烟  
雙槳忽而泛中流何曠  
然游人新緩帶酒客舊彈  
絃相樂逐相反荷花載  
滿船

從北隣姜龍伯乞菊

記訪川扉上春畦滿菊枝  
開花今定遍泛酒却同

誰阡陌居相近園亭賞也宜譜中求好本分揀媚  
東籬

碧浪湖畔與薦鄉對酌談邊事

艤舟相與酌夕日平湖沙廓落孟冬月悲涼寒水  
涯干戈方滿地漁釣豈吾家灑血論兵事高城起  
戍笳

積雪

積雪連旬日凝凝天地荒山迷微有勢日慘出無  
光南國少裘褐東隣絕酒漿圍壚對婦子相顧色

淒涼

山行即目

木葉下山盡蕭蕭  
容獨過瘠田  
稀刈獲深谷  
早催科日暮犬聲斷  
村虛虎跡多  
行行見父老  
對坐說兵戈

戊戌詩十五首

元日二首

柏葉傳初釀  
桃符啓曙煙  
荒村稀祝歲  
野老只祈年  
舊雪輝芳樹  
新流弄小船  
隱居忘日月  
獨賴好



山川一

玉曆愁催老金丹學制形人猶比龍卧吾已謝鴻  
冥塞上烽時白山中草自青茅齋歲無事晨盥讀  
黃庭二

答吳九翁晉見懷隱居二首

被髮真堪老招魂空累

君莫談東海戰已謝北山文藥鼎温丹火紫扉護  
白雲從來方外客理亂不須聞一

塞外兵雖聞江東春自佳桃花引漁艇芳草蔽山

齋散木欣無用窮薪識有涯君休問環玦吾興在  
青鞵二

初入玄栖

吾老無他好玄栖托此間卜鄰唯綠水結伴有青  
山芝朮耶堪種松蘿長揜關中池有明月相照大  
丹還

玄栖寄內

一昨玄栖別經春翠帳垂故歡辭教獲晚計托芒  
屨芝草聊相問桃源若為懷丹成能拔宅莫恨太

常齋

道舍咏梅

獨立標孤秀，皎然揚素輝。  
度溪香靄靄，照月白微微。  
微似結幽人，隱疑翻羽客。  
衣茅齋無一事，清咏對忘機。

獨入道場

片船不載酒，薄暮試春行。  
宿雨晚花落，空湖稗柳清。  
松間留鳥語，谷口閱農耕。  
政值遊人反，紛紛尚說名。

餘霞

餘霞猶木末，明月已洲邊。  
嶺遠時藏雨，沙虛欲近天。  
寺鐘依野火，鄰釣識歸船。  
浩蕩冥心客，長歌對廣川。

贈馬四良

一室蓬茅古，居然隱意存。  
米鹽雖近市，冠蓋屢過門。  
老付壺中藥，閒傾花下尊。  
百年唯適志，生事復何言。

上贈第四叔處士

朱大猷乙集詩言卷之九  
吾家竹林叔不借步兵厨書有兒孫讀田餘麩葉  
輸鹿裘能自樂鳩杖未須扶常保百年健陶然酒  
一壺

八月十五夜同越黃用晦泛南湖

南湖秋雨後月出倍澄鮮雲木暉相次山川照爽  
然金波雙映酒玉露細吹烟借問山陰客何如入  
剡船

門生孝廉朱五載酒入玄栖浮南湖

幸居山水際載酒客時過木落地逾曠天寒湖不

波醉憐狂態淺老猶痴情多相識漁人在  
共歌

採藥冬至上峴山

採藥至山寺仲冬野日清寒光侵草色陽氣入鐘  
聲雉子飛餘雪漁人出晚晴占年望雲物未得免  
浮生

靈霧不醒齋厨烟冷戲題

朝來不知曙烟霧宿前池烟色籠群象沙光混太  
虛高春厨火冷涼寢閉門餘嘯問山中豹相看耐

隱居

己亥

詩二十首

早春朱君采領二子過玄栖小飲

騷人物外興  
蕙領二難齊  
進履春山下  
開觴野竹西  
鶴知延客舞  
鳥故傍人啼  
却愧齋厨冷  
聊為摘菜泥

山川交肅穆  
登閣意悠然  
犬吠空村戶  
人過野浦船  
掃冰烹紫笋  
對雪理朱絃  
了竟無杯酌  
長歌送客還

聞臧原勤授老石門山扉雜樹周廬佳菜  
四熟乞移數種助植恬園已為小啓復寄  
此詩

聞說石門下山籬萬樹新花開隱士谷雲卧上皇  
人仙饌宜珍菓園居共野巾肯分青靄色相助碧  
湖春

晚步

晚步出檐宇脩然看日斜谷花非世態巖桂足生  
涯一飯裁三秀單衣具九霞漸能除白髮何必問



丹砂

偶遊峴山逢暴雨即成時在表弟楊二

客舍

雷擊空湖沸風鳴萬木寒波光隨雨亂山勢逐雲  
看變態移羣動登臨此壯觀携琴向千里霹靂試  
為彈

遙哭王十伯文

生為玄晏廢死豈少微穴古道餘狂氣天心竟負  
才知音不再得把臂憶從來久絕山林跡空馳宿

草哀

辟穀示弟子潘知白

一病花開落寧知發道機涉旬新斷粒卒歲久無  
衣石乳探難得松黃采欲稀齋厨無弟子幸也不  
曾飢

客來

客有飄飄興春流一小槎來頗為山水坐頗論烟  
霞高蓋憂方大長林意轉賒如當卜隣舍買傍武  
陵花

餐秀館病坐對南湖

高卧南湖畔，閉門對落花。  
藥爐延老態，枕席送春華。  
酒肆千金馬，香臺七寶車。  
歡歌競年少，日暮不歸家。

戲咏湖上美人

粧已遲，夫君南游不水濱。  
花嬌迎寶靨，草翠襲珠裙。  
引障疑羞客，褰芳故入群。  
頰因風起，袂飛作楚山雲。

南湖春暮走憶我中詩

南湖幾處盡索此故人何往日遊娛好尊生契濶  
多市醪春轉貴谷鳥曉還歌倘憶松花釀來為剪  
薜蘿

採蓮

蓮南湖曲采蓮秋水時花花咲相亞葉葉倚相  
歌龜遊應幾歲魚戲若為知日日裁縫事不成當  
寄誰

南湖中元懷李寅中

月出映餘照湖暉燦欲分薄烟依遠岫廣岬際秋

雲施水燈仍出采菱歌  
舊聞同舟人不見招隱帳  
離羣

秋夜宿靈隱勝上人房留贈

託宿遠公社青蓮供一餐  
巖秋衆籟息燈古四禪  
安磬落松間細香飄嶺末寒  
還期傍飛錫結夏理金丹

許墅關夕泊登山

風烟深日下雞犬靜  
江間野空同秋稼潮迴閉晚  
關遠遊隨浪宅縱步有登山  
紫氣誰相問行歌候

月還

故友朱彬吾忽枉玄酒間慨然之作

契濶喜相見網繆自故知披襟山水地促膝夜寒  
時白雪侵湖岬黃冠傲野籬近來弛酒禁酬酢醉  
無辭

龍舒明經劉虞卿遠訪有贈

鹿嶺久為別魚山忽見過相看老釣碣猶說舊絃  
歌冰雪寒湖草雲霞襲徑籬維舟不忍去明月渡  
頭多

悠然

寒日上蒼竹悠然籬落清樵漁閒積雪雞犬散初  
晴火候停龍卧經聲起鶴鳴門開有山水相與悅  
平生

長至感遇

日至開天序晨行閱物情水痕冰下長荔葉雪中  
生宿麥耕還護潛魚釣不驚冥冥殺機運達者竟  
無名

雪夜對月

虛室皎欲曙月寒霜更凝竹清分卧鶴湖白散傳  
燈鄰女夜吹雪漁人晨鑿冰扁舟空有興招隱為  
誰來

庚子 計三十三首

春泛前溪

餘不可憐度二月水平沙谷樹多聞鳥山村不斷  
花燕泥新雨過魚網夕陽斜獨酌領春意浮船卧  
對鏡南湖溪名餘不

清明後泛溪



朱太復乙集

詩卷之九

十三

春漲獨揚舲  
初葭被水汀  
柳深溪更僻  
花盡嶂逾青  
浮島迎船近  
流鶯喚酒醒  
聊為此生樂  
長嘯托誰聽

寥廓

夕對獨寥廓  
暮雲空五湖  
長虹際海斷  
遠雨入江無  
兵革身宜隱  
神仙事轉迂  
曾來臺上鳳  
不謝殿頭鳧

臨川嘯月

空湖有餘鑒  
明月方未央  
春山曳素帶  
水葉濡秋

裳磐石卧衣淨高雲挹酒涼夜深清籟發揮手攬  
流光

始僑西湖片石居三首

小山夙有約片石此居幽靜者得忘世仙入應下  
樓湖山開地勝江海寄天遊老棄無生事逍遙傲  
一丘

行李唯携子掛瓢遂棄家晨居開竹素夕泛出雲  
沙白髮趨時拙青山投老賒吾生幾兩屐到處拾  
烟霞

玄栖隔溪上人俗覺猶煩到此入山靜儵然無世  
喧巖巖夾水鑑日夕照雲軒獨坐有真意唯堪漁  
者言

浮碧閣頭晨坐

忽忽鳥啼竹湖烟白上窻太霞浮曙海朝氣發空  
江漁艇喧無數鷗飛淨一雙華池清盥罷齋坐片  
心降

知樂

杖藜方獨往解帶即高眠欣與晚山對倦隨飛鳥

還柳絲遊客騎蓮葉酒人船取適濠梁上吾知樂  
事偏

暑雨

嘒嘒白鷺鳴蕭蕭竹風清山暑依雲散江霞帶雨  
生林光欣物性水色空人情薄暮隣漁反時聞繫  
艇聲

白堤夕興

獨立自成趣嘯歌方未歸草喧遊騎陌蓮靜釣人  
磯初月破青靄殘陽斂翠微空湖澹相對終日兩

忘機

對月乘興獨泛風於白堤

明月政當戶餘霞照水痕人歸城欲冥鳥落竹初  
昏獨往縱孤棹長吟對小尊納涼高柳下湖白曠  
無喧

法相飲秀上人談故

松翠孤峰古竹涼五月秋天花過雨淨仙梵入泉  
幽小品餘初地雙林說故遊吾生無住著盡日酒  
杯留

法相衲雲上人茶品山中第一談資清  
惠然足箇賞寄以詩

竹塢故延賞雲房可納涼錫泉清散雪井茗白流  
香積翠移長日空華護上方林公能好道細酌說  
蒙莊

暑午昭慶寺臺獨立視日

被衣承佛日散髮坐禪林丹鼎凝冰雪香臺結夏  
陰烏飛觀裏影蟬奏定中琴復有清池上蓮花可  
印心

佐酒片石居浮碧樓子日止止

散誕一樓小清涼六月秋迓禪常禁足對客不梳  
頭終日斷新火經年只敝裘唯餘與山水杯酌細  
相酬

夏興

采采芰荷香盈盈烟水長洗瓢六橋下晞髮大堤  
傍喧寂境無礙行藏意已忘寄言火宅者此地是  
清涼

西湖大石邂逅潘景升小贈

卷籍三都舊交隣  
大石新傾家供任  
俠慢世託憐  
春高韻齊梁代倦  
游江海身美髯書  
滿腹未許傲  
遺民

七夕戲為內寄荅巧詩二首同韻

時道游秦王纒

石頭三  
月矣

已見鵲橋合那堪  
鳳吹孤無情迷素  
女薄命妬黃  
姑語恨辭巢燕  
縈愁綴菜蛛年  
時乞巧意憶斷  
頭  
成愚一

銀漢支機眇藍橋  
搗藥孤不成期  
織女有望侍麻

朱太復乙集詩卷之九

十七  
二百五十六



姑鼎月遲飛鶴閨秋自網蛛  
卿無悲乞巧公已向  
名愚

秋日錢吏部國維招飲玉泉山居

澤畔憐同病山中惠小招  
初衣荷葉製野饌桂枝  
調空谷悠行屐秋泉冷洗  
瓢獨醒愁底事聊與醉  
逍遙

秋夕長水南湖烟雨樓

複閣中天秀空洲亘水遙  
湖煙似飛雨海色欲生  
潮城際流漁火雲間度  
鳳簫泛槎秋漢近若為客

呈邀

秋夕泛南湖

夕日碧湖下風生蘆渚間移船對秋月酌酒邀青山  
樹暗左相石燈明學士灣  
人不可作千古誰當攀

曉度虎關

月落度關冥吳丘曙色青  
秋衣經露薄宿酒對江醒  
霞氣延朝日潮音入卧聽  
芙蓉晨可采思斷若盈盈

吳川夕興

秋潮下白沙薄暮乘芳賒洲水翻蘆葉山風引桂  
花中江子夜曲八月客星槎隔渚邀同泛行行近  
妾家

忘歸

新得酒中趣每行隨一壺揚杯送落日浩唱出南  
湖小卧已山月扁舟在菰蘆漁人來借問欲返忘  
歸途

恬園秋事

夕日下枯桑秋園幽事長  
披瀟餘宿潦采菽及初  
霜細菊翻蝴蝶衰梧隱  
鷓鴣鄰家聞夜作乘月杵  
黃梁

秋落懷弟

太行霜色早葉散寒何如  
萬里滯行路一年無寄  
書文章因命賤世態逐年  
踈崩缺長流落寧當反  
故廬

溪上夕興

反照入溪白寒株萎未昏  
羊牛過壚巷鳥雀候柴

朱太復乙集詩卷之九

十九

二百卅

門短布被衣舊長鏡采藥存南鄰熟桑落野坐稍  
寒溫

早出

策杖出柴扉晨明霜氣微支願者早汲曝背引初  
暉竹密啼鳥住沙寒宿鴈飛得觀遊鞅掌動息是  
天機

大風河水單衣晨發畫溪自嘲

晨度晝溪長流漸帶宿霜風高初日白天晏羣山  
蒼古悲黃雞掃深林青雀航如憐短布客叩角為